

**Avgvstini Valerii, Veronensis Episcopi, De Rhetorica  
Ecclesiastica Libri III. Perqvam Ervditi**

**Valiero, Agostino**

**Coloniae, 1582**

Genus Deliberatuum ad quinque capita referri posse. Cap. V.

---

[urn:nbn:de:hbz:466:1-69050](#)

## 6 DE RHETORICA ECCLES.

brofius, nihil est aliud, nisi quod confert ad vitam aeternam. Honestum sic definimus, virtutis decorum, qui cum utilitate ita est coniunctus, ut separari nequeat. Iustitia, est constans perpetuaque voluntas tribuendi ynicuique quod suum est: in hoc autem in primis sita est, ut agnoscatur celi & terra dominus, innocentiae remunerator, & scelerum vindicta: eiusque precepta obseruentur. Quia omnia cum ad veram hominis felicitatem referantur; constat, fines, non perinde ac Rhetores, utilitatem ab honestate plerunque se iungentes, putauerunt, esse a nobis Christianis distinguendos.

Genus Deliberatiuum ad quinque capitula referri posse. Cap. V.

**C**V M genus Deliberatiuum in bonorum suatione, et malorum dissuacione versetur: ad qua & omnis Ecclesiastici oratoris labor, tanquam ad finem dirigitur, in hoc maximè studium & diligentiam ponat; ut a virtutis auocans populum Dei, ad veram pietatem, Christianasque omnes virtutes accendat atque inflammet. Ea vero, qua & Ecclesiasticus orator populo suadere solet, ad quinque fortasse capita, faciliori doctrinæ causa, redigi possunt; ad credenda, ad speranda, ad timenda, ad vitanda, ad agenda: quibus capitulo vniuersa ferè Theologia, & tota Christianè viuendi ratio comprahenditur. Nos qui clericis scribimus, quedam attingemus, qua ipsis aliquam propositionum copiam possint suppeditare, perfectam eorum capitum traditionem omittentes: nè, actum à doctissimis Theologis, agamus; & scopi, quem nobis proposuimus, obliti esse videamur.

De